

Հաստատված է
Շուշիի տեխնոլոգիական համալսարանի
գիտական խորհրդի 2018թ. նոյեմբերի 29-ի
N 2-11/18/1 որոշմամբ:

Փոփոխությունը կատարվել է 2025թ.-ի փետրվարի 26-ի
N1-02/25/1 որոշմամբ:
Գիտական խորհրդի նախագահ՝

Ն.Ա.Միքայելյան



**«ՇՈՒՇԻԻ ՏԵԽՆՈԼՈԳԻԱԿԱՆ ՀԱՄԱԼՍԱՐԱՆ» ՀԲՄՆԱԴՐԱՄԻ
ՍՈՎՈՐՈՂՆԵՐԻ ՆԵՐՔԻՆ ԿԱՐԳԱԿԱՑՎԱԿԱՆ ԿԱՆՈՆՆԵՐ**

I. ԸՆԴՀԱՆՈՒՐ ԴՐՈՒՅԹՆԵՐ

1. «Շուշիի տեխնոլոգիական համալսարան» հիմնադրամի (այսուհետ՝ Համալսարան) սովորողների ներքին կարգապահական կանոնները (այսուհետ՝ Կանոններ) ԱՀ օրենսդրությանը համապատասխան կանոնակարգում են Համալսարանում ուսանողների իրավունքները, պարտականությունները և պատասխանատվությունը, ուսանողի նկատմամբ կիրառվող խրախուսանքի և կարգապահական պատասխանատվության միջոցները:
2. Կանոններով սահմանվում են սովորողների իրավունքները և պարտականությունները:
3. Կանոնները տարածվում են Համալսարանի բոլոր սովորողների վրա՝ անկախ նրանց մասնագիտությունից և ուսուցման ձևից:
4. Ներքին կարգապահական կանոնների պահպանմանն առնչվող հարցերը կարգավորվում են Համալսարանի ղեկավար պաշտոնատար անձանց կողմից:
5. Ներքին կարգապահական կանոնները հաստատվում և նրանում բոլոր փոփոխությունները կատարվում են Համալսարանի ռեկտորի հրամանով՝ գիտական խորհրդում հաստատվելուց հետո:
6. Ներքին կարգապահական կանոններին պարտավոր են ծանոթանալ Համալսարանի բոլոր սովորողները:

**II. ՀԱՄԱԼՍԱՐԱՆԻ ՍՈՎՈՐՈՂՆԵՐԻ ԻՐԱՎՈՒՆՔՆԵՐՆ ՈՒ
ՊԱՐՏԱԿԱՆՈՒԹՅՈՒՆՆԵՐԸ**

7. Համալսարանի սովորողներն են ուսանողները (բակալավրային համակարգում առնվազն քառամյա, իսկ մագիստրանտական համակարգում առնվազն երկամյա ուսուցման ծրագրերով բարձրագույն մասնագիտական կրթություն ստանալու համար ռեկտորի կողմից հրամանագրված անձիք) և ասպիրանտները (հայցորդները), ինչպես նաև միջին մասնագիտական կրթության ուսանողները:
8. Համալսարանի սովորողներն իրավունք ունեն.
 - սեփական հայեցողությամբ, ըստ հակումների և հետաքրքրությունների, ընտրել մասնագիտություն, ուսուցման ձև, զբաղվել հետազոտություններով, ցանկացած կրթական աստիճանում ընդհատել կամ շարունակել մասնագիտական կրթությունը,
 - Ստանալ գիտության, տեխնիկայի և մշակույթի ժամանակակից մակարդակին համապատասխանող գիտելիքներ, հաճախել Համալսարանում կարդացվող դասախոսություններին,
 - մասնակցել իրենց կրթության բովանդակության ձևավորմանը (ուսումնական

- դասընթացների և մասնագիտացման ընտրությանը՝ պահպանելով բարձրագույն մասնագիտական կրթության պետական կրթական չափորոշիչների պահանջները,
- մասնակցել ուսուցման որակն ապահովող գործառույթներին և գնահատել պրոֆեսորադասախոսական կազմի գործունեության արդյունավետությունը,
 - բացի ընտրած մասնագիտության ուսումնական դասընթացներից յուրացնել ուսումնական ցանկացած այլ դասընթաց, որը դասավանդվում է Համալսարանում ըստ սահմանված կարգի,
 - ՀՀ օրենսդրությամբ, Համալսարանի կանոնադրությամբ և այլ իրավական ակտերով սահմանված կարգով ընդգրկվել և մասնակցել Համալսարանի կառավարման մարմինների աշխատանքներին(Փոփ.կատ.են 26.02.2025,N1-02/25/1),
 - օգտվել Համալսարանի գրադարանից, լաբորատորիաներից, տեղեկատվական պահոցներից, ուսումնական, գիտական, բուժական, մարզական, ուսումնաարտադրական և այլ ստորաբաժանումների ծառայություններից,
 - ծանոթանալ սույն կանոններին և նորմատիվային այլ փաստաթղթերին, կնքել պայմանագիր Համալսարանի հետ ուսումնառության պայմանների վերաբերյալ,
 - ըստ նախասիրությունների մասնակցել Համալսարանում անցկացվող ուսանողական գիտահետազոտական աշխատանքներին, սեմինարներին և գիտաժողովներին,
 - ընդգրկվել ուսանողական խորհուրդներում, ուսանողական գիտական ընկերություններում և ուսանողական այլ կազմակերպություններում,
 - բողոքարկել Համալսարանի ռեկտորի, պրոռեկտորների և ստորաբաժանումների ղեկավարների հրամաններն ու կարգադրությունները՝ ՀՀ օրենսդրությամբ սահմանված կարգով(Փոփ.կատ.են 26.02.2025,N1-02/25/1),
 - օգտվել ուսանողական նպաստի ձևով ուսման վարձավճարի մասնակի փոխհատուցման իրավունքից՝ ՀՀ օրենսդրությամբ սահմանված կարգով(Փոփ.կատ.են 26.02.2025,N1-02/25/1),
 - ՀՀ օրենսդրությամբ ու Համալսարանի կողմից սահմանված կարգով ստանալ պետական, անվանական նշանակված կրթաթոշակ(Փոփ.կատ.են 26.02.2025,N1-02/25/1),
 - օգտվել ուսման տարեկան վարձի մասնակի կամ լրիվ փոխհատուցման իրավունքից՝ ՀՀ օրենսդրությամբ սահմանված կարգով(Փոփ.կատ.են 26.02.2025,N1-02/25/1),
 - ծանոթանալ Համալսարանի կանոնադրության և այլ իրավական փաստաթղթերի,
 - լիազոր մարմնի սահմանած կարգով անհրաժեշտության դեպքում ստանալ ակադեմիական արձակուրդ մինչև մեկ տարի ժամկետով՝ համապատասխան փաստաթղթեր ներկայացնելու դեպքում,
 - ուսուցման առկա ձևով ուսումնառության դեպքում տվյալ ուսումնական տարվա ընթացքում առնվազն երկու անգամ գտնվել արձակուրդում՝ առնվազն յոթ շաբաթ ընդհանուր տևողությամբ,
 - սահմանված կարգով փոխադրվել մեկ այլ բարձրագույն ուսումնական հաստատություն՝ ներառյալ օտարերկրյա պետությունների բարձրագույն ուսումնական հաստատությունները,
 - ուսման բարձր առաջադիմության, հասարակական ակտիվության և գիտահետազոտական աշխատանքներին մասնակցելու համար ստանալ բարոյական և նյութական խրախուսանք՝ ՀՀ օրենսդրությամբ և Համալսարանի սահմանած կարգով(Փոփ.կատ.են 26.02.2025,N1-02/25/1),
 - սահմանված կարգով ընտրել և ընտրվել Համալսարանի կառավարման համապատասխան մարմիններում և մասնակցելու այդ մարմինների աշխատանքներին.

- համալսարանի սովորողներն ունեն << օրենսդրությամբ և իրավական ակտերով սահմանված այլ իրավունքներ(Փոփ.կատ.են 26.02.2025,N1-02/25/1),
- կրթությունն ընդհատած նախկին սովորողը << օրենսդրությամբ սահմանված կարգով իրավունք ունի վերականգնվել Համալսարանում, բացի առաջին կուրսի 1-ին կիսամյակից(Փոփ.կատ.են 26.02.2025,N1-02/25/1),
- մասնակցել ուսուցման որակն ապահովող գործառույթներին և գնահատելու պրոֆեսորադասախոսական կազմի գործունեությունը,
- հանրակացարանի կարիք ունենալու դեպքում սահմանված կարգով ստանալ տեղ հանրակացարանում,
- համալսարանում սահմանված կարգով տեղափոխվել նախասիրած մասնագիտություն, իսկ << կառավարության կողմից սահմանված կարգով տեղափոխվել այլ բուհ՝ նեոարյալ արտասահմանյան(Փոփ.կատ.են 26.02.2025,N1-02/25/1):

9. Համալսարանի սովորողները պարտավոր են.

- պարտադիր հաճախել դասախոսություններին, լաբորատոր ու գործնական պարապմունքներին, սահմանված ժամկետներում կատարել ուսումնական պլանով և ծրագրերով նախատեսված բոլոր տեսակի առաջադրանքները,
- տիրապետել բարձր որակավորում ունեցող ապագա մասնագետի համար անհրաժեշտ գիտելիքներին, կարողություններին և հմտություններին,
- անշեղորեն կատարել Համալսարանի կանոնադրության, Համալսարանի ներքին կարգապահական կանոնների, Համալսարանի էթիկայի և վարքագծի կանոնների, ներքին իրավական մյուս ակտերի պահանջները,
- հաճախել ուսումնական ծրագրերով նախատեսված դասընթացներին,
- հոգատար վերաբերվել Համալսարանի գույքին,
- բարձր պահել Համալսարանի պատիվն ու հեղինակությունը, պահպանել հասարակական համակեցության և բարոյականության նորմերը,
- լինել կարգապահ, Համալսարանի բոլոր ուսումնական, ուսումնաարտադրական և այլ կառույցներում պահպանել մաքրություն,
- համալսարանում իրեն պահել արժանավայել՝ հետևելով հասարակական համակեցության կանոններին,
- հարգել աշխատակիցների և սովորողների իրավունքները և ազատությունները, անձի արժանապատվությունը,
- թույլ չտալ Համալսարանի սովորողին անվայել արարք, հոգալ Համալսարանի հեղինակության մասին ինչպես ուսման վայրում, այնպես էլ առօրյա կյանքում,
- կրել լիակատար նյութական պատասխանատվություն իր մեղքով Համալսարանին նյութական վնաս պատճառելու դեպքում,
- դասանկզբից 10 րոպեից ավելի դասախոսի չներկայանալու դեպքում ուսանողները խմբի ավագի միջոցով պարտավոր են այդ մասին հայտնել համապատասխան ֆակուլտետի դեկանատ:

10. Վճարովի հիմունքներով կրթություն ստացող սովորողները պարտավոր են.

- սահմանված ժամկետներում վճարել ուսման վարձավճարը: Ուսման վարձավճարը ժամանակին չվճարելու դեպքում այդ ուսանողները կարող են հեռացվել Համալսարանից,
- կատարել Հայաստանի Հանրապետության օրենսդրությամբ, Համալսարանի կանոնադրությամբ, ներքին կարգապահական կանոններով, Համալսարանի այլ ներքին իրավական ակտերով և ուսումնառության պայմանների վերաբերյալ կնքված պայմանագրով նախատեսված պարտականությունները(Փոփ.կատ.են 26.02.2025,N1-02/25/1):

11. Պարապմունքներին չներկայանալու դեպքում սովորողը պարտավոր է

չներկայացած օրվանից սկսած երեք աշխատանքային օրվա ընթացքում այդ մասին գրավոր տեղեկացնել համապատասխան ֆակուլտետի դեկանին, իսկ Համալսարան հաճախելու առաջին իսկ օրը ներկայացնել փաստաթղթեր կամ բացատրագիր պարապմունքներին չմասնակցելու պատճառների մասին:

III. ՍՈՎՈՐՈՂՆԵՐԻ ԽՐԱԽՈՒՍՈՒՄ ԵՎ ՏՈՒՅԺԵՐ

12. Օրինակելի վարքի, առաջադիմության և Համալսարանի հասարակական կյանքին ակտիվ մասնակցելու համար սահմանվում են սովորողների խրախուսման հետևյալ միջոցները.

- շնորհակալության հայտարարում,
- միանվագ դրամական պարգևատրում,
- պատվոգրի հանձնում,
- շնորհակալագրի հանձնում,
- հուշանվերի հանձնում,
- կարգապահական տույժի հանում:

13. Կարգապահության, ներքին կարգ ու կանոնի խախտման դեպքերում սովորողների նկատմամբ կարող են կիրառվել հետևյալ տույժերը.

- Ջգուշացում,
- Նկատողություն,
- խիստ նկատողություն,
- մասամբ կամ ամբողջովին կրթաթոշակից զրկում,
- հեռացում Համալսարանից:

14. Սովորողը կարող է հեռացվել Համալսարանից.

- ակադեմիական անբավարար առաջադիմություն ցուցաբերելու պատճառով կիսամյակի արդյունքներով անհրաժեշտ գումարային կրեդիտներ չհավաքելու դեպքում,
- պայմանագրով սահմանված ժամկետում ուսման վարձը չվճարելու դեպքում,
- համալսարանի ներքին կարգապահական կանոնները կոպիտ կերպով խախտելու դեպքում ուսխորհրդի ներկայացմամբ և գիտխորհրդի որոշմամբ:

15. Չի թույլատրվում ուսանողին հեռացնել հիվանդության, արձակուրդների, ակադեմիական արձակուրդի կամ հղիության և ծննդաբերության արձակուրդի ընթացքում:

16. Սովորողը կարող է ազատվել Համալսարանից.

- իր դիմումի համաձայն,
- այլ բարձրագույն ուսումնական հաստատություն տեղափոխվելու դեպքում,

17. Համալսարանից սովորողը չի կարող ազատվել, եթե նա ենթակա է հեռացման:

IV. ՈՒՍՈՒՄՆԱԿԱՆ ԿԱՐԳԱՊԱՀՈՒԹՅՈՒՆԸ

18. Ուսումնական տարին բաղկացած է երկու կիսամյակներից, ավարտվում է համաձայն ուսումնական պլանի և ժամանակացույցի:

19. Համալսարանում սահմանվում են ուսումնական պարապմունքների հետևյալ հիմնական տեսակները՝ դասախոսություն, գործնական (սեմինար), լաբորատոր պարապմունքներ, խորհրդատվություն, ինքնուրույն աշխատանք, կուրսային, ավարտական որակավորման աշխատանքներ, նախագծեր, ուսումնական և արտադրական, նախադիպլոմային, գիտահետազոտական պրակտիկա:

20. Դասաժամը, դասամիջոցը սկսվում և ավարտվում են բարձրաձայն հնչող զանգի դղղանջով: Ուսումնական պարապմունքների բնականոն ընթացքը չխաթարելու համար պարապմունքները սկսվելուց հետո բոլոր ուսումնական և նրանց կից մասնաշենքերում պետք է

ապահովված լինեն լուսություն և կարգապահություն:

21. Յուրաքանչյուր ակադեմիական խմբում և ենթախմբում դեկանի ներկայացմամբ ռեկտորի հրամանով նշանակվում է ավագ և ակադեմիական խմբի կուրսղեկ (խորհրդատու):

V. Համալսարանի մասնաշենքերում արգելվում է.

- Ծխելը.
- ակոհոլային խմիչքների, թմրանյութերի օգտագործումը,
- բոլոր տեսակի մոլախաղերը,
- աղմուկը, պարապմունքների ժամանակ անցուդարձը,
- ուսումնական լսարաններում դասընթացի ժամանակ բջջային հեռախոսների կամ ժամանակակից կապի այլ միջոցների օգտագործումը, ինչպես նաև ձայնագրումը և տեսանկարահանումը:

21. Սովորողների ավտոտրանսպորտային միջոցների մուտքը Համալսարանի տարածք, ինչպես նաև գույքի տեղաշարժը, դուրսբերումն ու ներկրումը իրականացվում են հատուկ սահմանված անցագրային ռեժիմով:

Գիտխորհրդի նախագահ

Ն.Ա.Միքայելյան

Գիտական քարտուղար

Լ.Գ.Այդինյան

